

ՃԱՍԲԱՐԱԿ ՀԱՄԱՅՆՔԻ ՂԵԿԱՎԱՐԻ ԲՅՈՒՋԵՏԱՅԻՆ ՈՒՂԵՐՁԸ

Բյուջեն, լինելով համայնքի եկամուտների ձևավորման ու ծախսերի կատարման տարեկան ֆինանսական ծրագիր, ուղղված է ՏԻՄ-երին օրենքով վերապահված լիազորությունների շրջանակներում համայնքային ծրագրերի իրականացմանը:

Մեր կողմից 2022 թվականի բյուջեի ընտրությունը ուղղված է ծախսերի կատարման արդյունավետության բարձրացմանը և վերջնական արդյունքների ստացմանը:

Համայնքի բյուջեն ցույց է տալիս 2022 թվականի բյուջետային ծրագրերն իրականացնելիս, որոշակի ռեսուրսներ ներդնելու դեպքում արդյունքների ձեռքբերումը՝ միաժամանակ արմատավորելով նոր որակի և մակարդակի կառավարում, ձևավորելով ներդրված ռեսուրսների և ստացված արդյունքների միջև ինտեգրացված կապ, ապահովելով բյուջետային ծրագրի միջոցառումների կատարման թափանցիկությունն ու վերահսկման արդյունավետ մեխանիզմներ:

Բյուջետավորման գործընթացը հնարավորություն է տալիս համայնքի հնգամյա զարգացման ծրագրի (ՀՀԶԾ-ի) և տարեկան աշխատանքային պլանի (ՏԱՊ-ի) հիման վրա պլանավորել համայնքի ֆինանսական միջոցները, դրանք օգտագործել խնայողաբար, արդյունավետ և հրապարակային:

Կարևորելով մասնակցային գործընթացները տեղական ինքնակառավարման համակարգում՝ բյուջետավորման այս ձևաչափով ամրագրվում է հաշվետվողականությունը, շարունակականությունը, ծրագրերի առաջնահերթությունների հստակ սահմանումը, բյուջետավարման գործառույթների հստակ բաշխումը, չափելիությունը:

Որդեգրելով աշխատանքային նոր ռազմավարություն՝ համայնքի բյուջետավարումը դադարում է դիտարկվել որպես ֆինանսական պլանի կազմում և կատարում, այլ առավել կարևորվում են բնակչությանը համայնքային որակյալ ծառայությունների մատուցումը և համայնքի խնդիրների աստիճանական լուծումը:

**1. ՀԱՄԱՅՆՔԻ ՂԵԿԱՎԱՐԻ ԶԵԿՈՒՅՑԸ ԲՅՈՒՋԵՏԱՅԻՆ ՏԱՐԿԱ
ՀԱՄԱՅՆՔԻ ԶԱՐԳԱՑՄԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԻ ՄԱՍԻՆ**

Համայնքի 2022թ. բյուջեն մշակվել է՝ հիմք ունենալով համայնքի 2017 - 2022թթ. ՀՀԶԾ-ն և 2022թ. ՏԱՊ-ը:

Համայնքի գործունեությունը մեծապես կախված է բյուջետային գործընթացի լավ կազմակերպումից, բյուջեի եկամուտների արդյունավետ հավաքագրումից և միջոցների խնայողական օգտագործումից:


Գալիք բյուջետային տարվա համայնքի զարգացման հիմնական ուղղություններն են՝

- ✓ Բարելավել համայնքի ֆինանսական վիճակը՝ ճշտելով հողի հարկի և գույքահարկի բազաները և բարձրացնելով սեփական եկամուտների հավաքագրման մակարդակը:
- ✓ Բարձրացնել բնակչությանը մատուցվող համայնքային ծառայությունների մակարդակը և որակը:
- ✓ Իրականացնել կրթության, մշակույթի և սպորտի բնագավառների համայնքային ենթակառուցվածքների պահպանման, շահագործման, նորոգման, ջեռուցման համակարգերի վերականգնման, գույքային վերազինման և այլ աշխատանքներ:
- ✓ Կապիտալ ներդրումներ կատարել համայնքի բնակարանային-կոմունալ տնտեսության, բարեկարգման և ճանապարհային տնտեսության բնագավառներում:
- ✓ Աշխուժացնել համայնքի մշակութային, մարզական և հասարակական կյանքը:
- ✓ Իրականացնել սոցիալական տարաբնույթ ծրագրեր:
- ✓ և այլն:

Համայնքի 2022թ. զարգացման հիմնական ուղղություններն ուղղված են բնակչության կենսական շահերի ապահովմանը, շրջակա միջավայրի պահպանմանը, համայնքի հարմարավետ ու բարեկեցիկ միջավայրի ստեղծմանը, համայնքային ենթակառուցվածքների արդիականացմանն ու զարգացմանը, ինչպես նաև համայնքի գլխավոր հատակագծին համապատասխան քաղաքաշինական ծրագրերի իրականացմանը:

Ես դիմում եմ համայնքի բնակիչներին, ավագանու անդամներին, համայնքային կազմակերպությունների աշխատակիցներին՝ շահագրգիռ մոտեցում ցուցաբերելու համայնքի 2022 թվականի բյուջեի միջոցների գոյացմանը, դրանց նպատակային օգտագործմանը, բյուջեի կատարմանը և վերահսկմանը:

ՀԱՄԱՅՆՔԻ ՂԵԿԱՎԱՐ՝




Վ.ԱՄԻԱՅԱՆ

ՏԵՂԵԿԱՆՔ

Համայնքի ՏԻՄ-երի իրավական ակտի նախագծի վերաբերյալ հանրային քննարկումների մասին

Հ/հ	Տեղեկատվության բնույթը	Տեղեկատվության բովանդակությունը
1.	Տեղեկանքի վերնագիրը	ՀՀ Գեղարքունիքի մարզի Ճամբարակ համայնքի 2022թ. բյուջեի նախագծի քննարկում
2.	Հանրությանը իրավական ակտի նախագծի վերաբերյալ իրազեկումը	Ճամբարակ համայնքի ֆեյսբուքյան էջում 22.12.2021թ տեղադրվել է հայտարարություն: https://www.facebook.com/Chambarakarmenia
3.	Հանրային քննարկումների մասնակիցները	➤ Արշակ Մկրտչյան, Աղավնիկ Դանիելյան, Մխիթար Կարապետյան, Հովհաննես Նազլուխանյան, Կառլեն Մարտիրոսյան, Սամվել Ծատուրյան, Վահրամ Հովհաննիսյան, Նիկոլայ Խալաթյան, Հովհաննես Մարտիրոսյան, Վահրամ Մխիթարյան, Արտուր Սենեքերիմյան, Արտակ Ստեփանյան, Ռոբերտ Օհանյան, Սիրաք Ռաֆայելյան, Հայկ Պողոսյան, Մերի Ճաղարյան, Նարգիզ Ապրեսյան, Թարխան Խեչոյան, Ռուզաննա Սարգսյան, Աննա Ղորուխչյան և այլն:
4.	Հանրային քննարկումներին մասնակցության արդյունքները	Քննարկման ընթացքում տեղի է ունեցել ակտիվ հարցուպատասխան և բոլորը միաձայն կողմ են արտահայտվել նախագծի ընդունմանը: Առարկություններ և առաջարկություններ չեն եղել:
5.	Այլ տեղեկություններ (եթե այդպիսիք առկա են)	Ըստ համայնքի ղեկավարի հայեցողության

Ճամբարակ համայնքի ղեկավար՝



Վ.Ադամյան